



Snuizi sin il tett da la salina da Riburg – malgrà la bella vista – pertge il bajetg ballucca in zichel pervi dal turnigl da la sola en la tarmenta chaldera.

FOTOS C. CADRUWI



Mo il foss da ventilaziun tradescha ch'ins explotescha sal sut questi champs.



Da surengiu vesan els or in zichel sco cups da jogurt: Ils tancs gigantics en ils quals ins zavira la chaltschina ord l'aua da sal.



Il tanc dal camion cuntegn restanzas da la producziun da sal. Quellas vegnan derschidas enavos en il terren.

## Dalonder vegn insumma noss sal?

Sin visita en la salina da Riburg

DA CLAUDIA CADRUWI / ANR

**■ Di per di dovra mintgin da nus sal – en las spaïsas, en savuns u per la maschina da lavar vischala. L'industria utilisescha tonnas da questa materia prima. L'anr ha visità la salina a Riburg.** A la staziun a Rheinfelden spetgan duas persunas la schurnalista rumantscha. Igl èn quiqi l'inschigner agronom Carl Habich e la pledadra da medias da las Salinas svizras Nicole Riehmüller. Sco emprim vai cun auto sur ina via da funs. «Qua sute questi champs hai dapertut sal e conduct», di Habich. Da vesair n'è atgnamain nagut spezial. Mo qua u là hai in pitschen foss da ventilaziun che tradescha ch'ins sa chatta sur ina chaverna da sal.

En la regiun da Basilea n'exploteschan ins il sal betg en minieras, mabain ins al lava or dal terren, declera la pledadra. L'emprim pumpen ins gas en las foras e suenter aua che schlia si las stresas da sal. L'aia da sal – ch'ins numna sola – vegnlura manada en conducts sutterans en las salinas da Riburg u Schweizerhalle.

### La fabrica ballucca

Nus arrivain tar la salina a Riburg. Atgnamain èsi simplamain ina gronda fabrica. Sco emprim giain nus sin il tett. Ins vesa lunsch enturn. L'ischigner agronom explitgescha tge champs ch'ins ha gria explitòt e nua ch'ins ha en senn da bajegiar

giu sal ils proxims decennis. Per ch'il terren restia stabil exploteschan ins sulet in tschert quantum ed emplaina las chavernas suenter puspè cun restanzas da la producziun da sal.

Da surengiu vesan ins directamain en ils tarments tancs. Là sto la sola l'emprim vegnir zavrada dal calcium e magnesium, pia da la chaltschina, uschiglio giessan las maschinas entaifer curt temp empaglia.

Sin il tett sentan ins che l'entir bajetg ballucca levet. La sola che roteschia en la chaldera fetschia in turnigl e lez procura ch'il bajetg sa movia in zichel, di l'inschigner. Quai saja normal e nagut da temair.

### In losch inschigner

Uss vai viadent en la fabrica. Riburg saja ideal per visitaders, di la pledadra. Perquai ch'ins dastgia mussar l'entira producziun. En la salina a Schweizerhalle elavurian ins il sal da spaïsa ed il sal medicinal. Pervi da las prescripcions da higiëna rigurasas sajan visitas scumandadas là.

En el local da cumond diregia il survegliader mint'ura 230 meters cubic so la atras ils bischens. Las pumpas chatschan la sola en la chaldera nua ch'ella vegn stgaudada sin passa tschient grads. L'aia vapurisescha ed ina broda da sal sa rimna en il funs da la chaldera. Entant ch'il vapur vegn sfardentà en in stgamader da chalur ruschna la broda da sal en

la proxima maschina. Igl è ina zentrifuga che strocla il rest d'aua or dal sal.

Las pumpas en la salina fan ina tala chanera ch'ins na chapescha gnanca pled. L'inschigner mussa cun il det sin la tavlinna da la zentrifuga: «Escher Wyss Zürich 1970». La zentrifuga fila sco ina giuvnetta. La tschaira loscha da l'inschigner di dapli davart la qualitat da maschinas svizras che milli laudavaglias. Circa 45 tonnas sal producescha la salina Riburg entaifer in'ura.

### Nagins problems pli da magasinar

Suenter la zentrifuga n'è il sal anc betg usch' sitg e granellus sco giavischà. Ins agiunta perquai in med per evitar gnocs. Uss transporteschan las bindellas ina part dal sal tar l'indriz d'emplenir. I dat satgs da tuttas grondezzas. Per l'industria furneschan ins il sal, ins po era dir sodiumchlorid, en embelladis da milli kilos u transporta el direct cun tren u camion en las fabricas.

Ina gronda part dal sal s'avanza sur ina bindella da la salina viador en direcziun dad in dals dus saldomes. La bindella finiescha sur cupla d'in saldome, nua ch'il sal croda giiadent en il magasin gigantic.

Ils saldomes han ins planisà suenter las stgarzezzas da sal l'enviern 1999. L'emprim saldome han ins bajegià il 2005 cun 400 pigs dal guaud da Rheinfelden. El tschiffa 80 000 tonnas sal. Il segund saldome ha plaz per 100 000 tonnas.




La zentrifuga schigenta la broda da sal. L'inschigner agronom Carl Habich è losch da la maschina che lavora dapi 45 onns senza incaps.

### Fin 600 000 tonnas sal l'onn

Las Salinas svizras – Bex, Schweizerhalle e Riburg – produceschan mint'onn tranter 400 000 e 600 000 tonnas sal. Circa la mesadat vegn duvrada per sdregliar las vias l'enviern. Ina quarta dal sal dovra l'industria per far savun, colurs, vaider, alumini, plastic etc. Il sal per la farmazia fa ora quatter pertschient da la producziun svizra. El sto vegnir elavurà da per sai sut condizioni severas.

La salina da Bex en il chantun Vad explotescha sal dapi il temp medieval. Là vegnan bajegiadas giu en minieras circa 30 000 tonnas sal l'onn. Las salinas enturn Basilea èn pli giuvnas: Il 1836 ha Carl Christian Friedrich Glenck chattà, suenter avair furà e tschertgà adumbatten ventg onns, ina vaina da sal redaivla. Glenck è era stà piunier tecnic appartegnent il bugli sal. Che l'industria e la farmazia èn sa domiciliadas enturn Basilea stat en streng connex cun las salinas. Ils commerci da sal en Svizra è chaussa dals chantuns. Els han surdà a las Salinas svizras ils dretgs da sal. Uschia posseban las Salinas svizras in monopol. La concessiun vala enfin il 2025.



Ina veglia hetta per explotar sal – il clutger dovrà per avair plaz per las stangas da furar.